



Disputatio medica inauguralis de pleuritide

<https://hdl.handle.net/1874/341627>

79.

DISPUTATIO MEDICA
INAUGURALIS,
DE
PLEURITIDE.

QUAM
FAVENTE TRIUNO NUMINE.

Ex Authoritate Magnifici D. Rectoris

D. PAULI VOET,

Lib. Art. Mag. & U. J. D. Philosophiæ

Professoris Ordinarii.

NEC NON

Amplissimi Senatus Académici Consensu, & celeberrima

Facultatis Médica Decreto,

Pro summo gradu & Privilegiis in Medicinâ consequendis,

Publicè sine præside defendet

WILHELMUS METZGHER, Zutph. Sicamber.

Ad diem 29. November horis locoque solitis.



TRAJECTI AD RHENUM,
TYPIS *Gisberti à Zjll, & Theodori ab Ackerſdyck,*

clō. Is. c. LII.

*Magnifico, Amplissimo, antiquâ gene-
ris prosapiâ, & nobilitatis Splen-
dore conspicuo*

**D. EVERHARDO ab HEEC-
KEREN, Domino in NET-
TELHORST & ENGHUYSEN,
Inclyti Comitatus Zutphani-
ensis Satrapæ vigilantissimo.**

**Domino meo in æternum mihi
Suspiciendo.**

Hæc theses Inaugurales

Submisse offero

WILHELMUS METZGHER.

Auth. & Resp.

DISPUTATIO MEDICA
INAUGURALIS,
DE
PLEURITIDE.
THESIS I.



Inter gravissimos maximeque periculosos morbos ab omnibus Medicis numerari merito solet Pleuritis.

II.

Est autem Pleuritis inflammatio membranæ quæ costis subtenditur, Pleura dictæ, cum respiratione difficili, punctorio lateris dolore, & febris continua.

III.

Pars affecta est membrana Pleura, quæ cum sit acutissimi sensus, hinc ab inflammatione tam acutum dolorem patitur, ut in respiratione sine gravissimo cruciatu dimoveri omnino non possit; Unde individui hujus inflammationis comites sunt, dolor acutus & difficilis respiratio, quibus se adjungit febris continua, ab humoribus in Pleura inflammatis & putrescentibus, ac pervenas cordi continuo communicatis, orta.

IV.

Semper tamen Pleura sola, cum musculis intercostalibus aliisque proxime incumbentibus, non inflammatur, sed plerumque una cum Pleura inflammatur pulmo, idque maxime in iis quibus pulmo Pleuræ annectitur.

DISPUTATIO V.

Signa pathognomonica Pleuritidi perpetuo conjuncta, sunt respiratio difficilis, continua febris, & lateris dolor punctorius: Quibus postea accedunt molesta tussis, & sanguinis spumosi exspuitio.

VI.

Causa procatarctica, est subita refrigeratio post nimiam corporis excalesfactionem per exercitia, graves labores, aestum Solis. &c. Sive illa refrigeratio fiat à subita corporis in aëre frigido denudatione, sive potus frigidi ingurgitatione, sive alio modo.

VII.

Antecedens causa est sanguinis calidi in corpore abundantia, qui in membranofam Pleuræ membranam effusus, continentem causam constituit.

VIII.

Nam sanguis ille in Pleuram musculosque intercostales illapsus, ibique tensionem cum tumore faciens, impedit, quo minus partes illæ tumidæ in respiratione commode contrahi ac dilatari possint, & quia illud cum violentia fit, hinc acutus oritur dolor cum difficili respiratione.

IX.

Idem ille sanguis in dictas partes effusus etiam febris continuæ causa est. Nam illic putrescens continuo aliquam sui partem per venas ad cor transmittit, quæ ibi accensa, indeque toti corpori communicata, febrem continuam inducit.

X.

Quia vero pars istius fervidi sanguinis ad pulmonum
bron-

bronchia fertur, eaque calore & acrimonia vellicat, hinc oritur molesta tussis, cum qua etiam sanguis ruber, subflavus & spumofus ex pectoratur, si sanguis ille copiosior in pulmonem illapsus ejusdem quoque inflammationem fecerit.

XI.

Periculosissimus est hic morbus ob febrem continuam, respirationis (qua homo carere non potest) maximam difficultatem, dolorem acutum vires destruentem, & Empyematis metum.

XII.

Curatio citissima fieri debet, eaque consistet in causae autecedentis & continentis ablatione ac intemperiei per contraria correctione.

XIII.

In ipso igitur principio statim sanguis copiosior de trahendus est e brachio lateris affecti, habita tamen virium ratione.

XIV.

Deinde alvus tali clystere subducenda est.

Rx. Hordei mundati. ℥j.

Herbar. Lactuc. malva. violariae

Althaeae, mercurial. ana. m. j.

Flor. Malvae rosae. m. β.

Decoquantur in aquae commun. q. s. ad ℥vj.

in qua dissolve Electuar. diacatholic.

Diaprun. Solutiv. ana. ℥j.

ol. violar. ℥j. Salis. ℥j.

m. f. Clyster, qui durante morbi decursu repeti potest.

XV.

Si dolor perseveret, poterit venę sectio eodem die, atque etiam aliis diebus reiterari.

XVI.

Si os amarum sit, & biliosa materia in primis viis redundet, tali haustu illa clementer expurgetur.

℞. Rabarb. opt. ℥ij. decocti hordei q. s.

fiat infusio. s. a. adde colaturæ

Syrup. Rosar. solutiv. ℥j. m. f. Potio.

A cararctis fortioribus hic omnino abstinendum.

XVII.

Pro potu ordinario utatur æger ptisana, vel hoc julebo.

℞. Decocti hordei. ℔j.

Syrup. florum papaver. erratic. ℥β.

violacci. ℥j. Iujubini. ℥β.

m. f. Iulep.

XVIII.

Sumat etiam ter quaterve de die haustum hujus apozematis.

℞. Hordei mundati. ℥j.

Rad. gramin. Asparag. ana. ℥j.

Liquiritiæ rasæ. ℥β.

Herbar. violariæ. scabiosæ, boragin.

Laetuc. Capillor. vener. ana. mj.

Flor. papaver. erratic. m. β.

Semin. A. frigidior, major. ana. ℥j.

passular. mundatar. ℥jβ.

Coquantur in s. q. aquæ commun. ad ℔j.

Colaturæ adde syrup. violar.

papaver. erratic ana. ℥jβ.

m. f. Apozoma.

Ad

XIX.

Ad molestam tussim utatur sapius tali linctu.

℞. Syrup. papaver. rhead. ℥j.
violacei. jujubini. Capillor. vener. ana. ℥β.
m. f. Linctus.

Vel utatur particula hujus conditi subinde.

℞. Conserv. Capill. venet violac.
Rosarum pallidar. ana. ℥v.
Syrup papaver, rhead. q. s. m. f. conditum.

XX.

Pro nutrimento utatur subinde hoc Amygdalato.

℞. Amygal. dulc. depilat ℥jβ.
Sem. 4. frigidi major. papaver alb. ana. ℥ij.
Decoct. hordei. q. s. m. f. Emulsio ad ℥ij.
Cui admisce sachar. q. s. ad gratam dulcedinem.

XXI.

Extrinfecus ad doloris sedationem & celeriore m-
teria morbifica coctionem cum spongiis foveatur latus
affectum tali fomento.

℞. Herbar. Althae, malva.
violaria, beta, Brassica,
Flor. Sambuci. Chamomill. ana. m. j.
Aqua. q. s. Coquantur ad ℥ij. pro fotu.

Cujus etiam loco vesica oleo violarum, Liliorum,
anethino, aliisve repleti, & affecto lateri calide admoveri
potest.

XXII.

Post fotum illinatur pars affecta tali linimento.

℞. Ol. violacei. Amigdal. dulc.
Butiri recent. Vnguent populei. ana. ℥β.
m. f. Linimentum.

Facta

XXIII.

Facta inunctione imponatur hoc cataplasma.

℞. Folior. malva, Alibæ. violariæ,

Flor. Chamomill. m. j.

pulverisatis, adde, farin. semin. lini.

Hordei ana. ℥j. aqua. q. s.

Coquantur. s. a. addendo. ol. Amygdalar. dulc.

Butiri recentis, an. ℥j.

m. f. s. a. cataplasma.

XXIV.

In diata sit aër temperatus, ad frigidum aliquantum inclinans, cibus in principio sit tenuis, ex cremore ptisanæ, jusculus gallinarum, amygdalato, &c. de potu dictum thesi decima septima. Corpus in quiete detineatur, excreta naturalia bene procedant, & fugiantur animi emotiones graviores.

F I N I S.